

Bosna i Hercegovina
Federacija Bosne i Hercegovine
KANTON SARAJEVO

Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe

Upravni odbor

Broj : 01-55-ZA- 9/17

Sarajevo, 21.12.2017.godine

Z A P I S N I K

Sa **devete** sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, **održane u četvrtak 21.12.2017. godine** u prostorijama Fonda – mala sala, sa početkom u **16h** u Ulici Hivzi Bjelevca, broj 54/VI

Prisutni članovi Upravnog odbora:

1. Fahrudin Solak, predsjednik
2. Senada Gadžo, član
3. Gagula Fijad, član
4. Abdulah Krivošija, član, predstavnik Ministarstva prostornog uređenja, građenja i zaštite okoliša Kantona Sarajevo
5. Hamid Bahto, član

Pored predstavnika Upravnog odbora sjednici su prisustvovali : Mirza Emirhafizović, direktor Fonda, Sanela Brković, pomoćnik direktora za opšte i pravne poslove, Nijaz Čelović, pomoćnik direktora za ekonomska pitanja.

Sjednicom je rukovodio Fahrudin Solak, predsjednik Upravnog odbora Fonda.

Za raspravu je predložen dnevni red kao u pozivu i Upravni odbor je jednoglasno usvojio sljedeći :

DNEVNI RED

1. Usvajanje zapisnika sa osme sjednice Upravnog odbora Fonda Kantona Sarajevo za izgradnju stanova.
2. Upoznavanje Upravnog odbora sa plemnarnim rezultatima poslovanja Fonda Kantona Sarajevo za izgradnju stanova.
3. Tekuća pitanja.

Tačka 1.

Usvajanje zapisnika sa osme sjednice Upravnog odbora Fonda Kantona Sarajevo za izgradnju stanova.

Upravni odbor razmatrao je zapisnik sa osme sjednice Upravnog odbora Fonda Kantona za izgradnju stanova broj :01-55-ZA-8/17 od 26.10.2017. godine.

Upravni odbor nije imao primjedbi na tekst zapisnika, te je jednoglasno donio:

Zaključak.

Usvaja se zapisnik sa sedme sjednice Upravnog odbora Fonda Kantona Sarajevo za izgradnju stanova broj : 01-55-ZA-7/17 od 15.11.2017. godine.

Tačka 2.

Upoznavanje Upravnog odbora sa preliminarnim rezultatima poslovanja Fonda Kantona Sarajevo za izgradnju stanova.

Obrazloženje ove tačke dnevnog reda dao je direktor Fonda Kantona Sarajevo za izgradnju stanova, Mirza Emirhafizović, naglasivši da je Fond u 2017. godini, poslovaio pozitivno, da je ostvareni plan prebačen za 3,5%, te da je ostvario dobit od oko 20.000,00KM.

Obrazlažući rezultate poslovanja, direktor je pomenuo da je na Rosuljama izvršena primopredaja sedam stanova Ministarstvu za boračka pitanja Kantona Sarajevo, kao i da će Fond i dalje učestvovati u programima rada Vlade Kantona Sarajevo, kao i u programu za rješavanje stambenih pitanja mladih.

Direktor je informisao Upravni odbor da je u decembru 2017. godine raspisan javni poziv od strane JU Dom zdravlja Sarajevo za kupovinu poslovnog prostora od 330m² po cijeni od 1435,00KM, na koji će se Fond prijaviti i da je to daljnji nastavak realizacije Odluke Upravnog odbora o prodaji poslovnih prostora Fonda za potrebe izgradnje ambulante na Rosuljama.

Direktor je istakao da je na zasjedanju Skupštine od 20.12.2017. godine, izglasao prijedlog odluke kojom se daje saglasnost Ministarstvu za boračka pitanja Kantona Sarajevo da može pristupiti potpisivanju ugovora imovinsko – pravne prirode za kupovinu 20 stanova na Rosuljama na objektu B1B, 16 stanova iz programa vlasništva i četiri iz programa trajnog korištenja. Sredstva su obezbjeđena iz rebalansa Budžeta.

Direktor je informisao Upravni odbor da je imao sastanak sa premijerom Vlade Kantona Sarajevo, na kome ga je upoznao sa aktivnostima Fonda, kao i da je premijer izrazio spremnost da pomogne aktivnostima Fonda, a naročito oko obezbjeđenja zemljišta za novu gradnju.

Direktor je upoznao Upravni odbor da je Uprava Fonda imala sastanak sa načelnikom opštine Ilijaš i da je Fond zainteresovan za neke lokacije na području te opštine gdje bi se gradili stanovi za boračku populaciju.

Direktor je informisao Upravni odbor će nastojati da se drži plana poslovanja za 2018. godinu.

Predsjednik Upravnog odbora je otvorio raspravu i rekao da 34.076,00KM koja nedostaju za kupovinu stanova u Ministarstvu za boračka pitanja, treba obezbjeđiti preraspodjelom u

- Budžetu, da se ne bi dogodilo da se ista ne mogu koristiti u narednoj godini, na što je direktor iznio da su sredstva već obezbjeđena rebalansom Budžeta.

Nakon rasprave, Upravni odbor jednoglasno je donio sljedeći :

Zaključak 2.

Upravni odbor prima k znanju Informaciju o upoznavanju Upravnog odbora sa preliminiranim rezultatima poslovanja Fonda Kantona Sarajevo za izgradnju stanova.

Tačka 3.



Pod tačkom tekuća pitanja nije bilo delegiranih pitanja pa se po istoj nije vodila diskusija.

Sjednicu je zaključio predsjednik Upravnog odbora, Fahrudin Solak u 17 h.

Zapisnik sačinila:


Elvira Begić

sekretar Upravnog odbora

za Predsjednik Upravnog odbora: -  - 

Fahrudin Solak